



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Richardvs Ep. 3. Aprilis.

urn:nbn:de:hbz:466:1-44055

S. RICHARDVS EP. 3. Aprilis.

RICHARDVS natione Anglus fratriis inopiam servilibus ministeriis voluntate suscepit, levavit, eidemque paternâ hæreditate, pactoque nobilis & opulentæ virginis matrimonio cessit. **I**oseph Nicæ & sœ aman Dum litteris navaret operam, nullo certo vivendi præsidio, communi cum Sodalibus duobus pallio, vicissim scholas aditurus utebatur. In Episcopatus fastigium electus, cum honore, ut afferat, non mutavit morem, paupertatem à se fugientem velut clapsam bonam fortunam insecurus: aureis quippe argenteisque vasis in pauperum annonam expensis, præstare dictabat, fictilibus, more parentis, cœnare, quam Christum egenorum turbâ re-præsentatum esurire. Uno pane mille homines saturavit, Deo voluntati beneficiandi facultatem suggestente. Aliquot suarum domorum incendium restrictæ ad largiendum manus vindictam est interpretatus; & quos multi convicio à se manuque rejiciunt inopes, tanquam accepturus, nondaturus beneficium, ad petendum blando affatu excitabat: cuius facti rationem postulatus, illud ex divinis literis protulit: *Domine prævenisti eum in benedictionibus dulcedinis.* Sub mortem norum Deiparae cultoribus carmen à Sacerdotibus lectulo adstantibus iterari voluit:

Maria mater gratiæ, Mater misericordiæ, Tunos ab hoste protege, Et horâ mortis suscipe.

Immortuus est sacræ crucis complexibus ad annum M. CC. XLV. Ex Surio.

Dic mihi, ubi nunc amatores mundi, qui ante passa tempora nobiscum erant? quid ex eis remansit, nisi cineres & vermes? Attende quid sunt, quid fuerunt homi-

April 3. April. VITÆ SANCTORVM. 175
homines fuerunt, sicut tu, comederunt, biberunt, riserunt
& in puncto ad inferna descenderunt. Bern. l. Med. c. 2.

S. JOSEPHUS POETA C.

3. April.

JOSEPHVS ævi sui Poëta clarissimus Thessalo-
nicæ & Byzantii vitam egit, qualem agere Mu-
pallio, sæ amant, à mundi turbis semotam. Parnassus ei
cella, lectus terra, cibus panis, pótus aqua fuit: nam
hac, & non mero fluere Hippocrenen noverat.
Hic ille sacrorum vatum monumenta lectitare, in
vota non vana Poëtarum nomina, sed Numen
vocare, atque ita demum pleno ore Cælites cane-
re. Porrò in D. Bartholomæi laudes iturus, cùm
evocare omnes ex Helicone Musas gestiret, medi-
tabundo ipse Divus adesse, & libro pectori admo-
to benè precari visus est. Non è Parnasso, sed cæ-
lo hoc fuit somnium. Nam deinceps versus JOSE-
PHVS non fecit, sed fudit, ut qui exciperent, jam
olim ad omnes unguies examinatos, nunc è me-
moriâ tantum promi autumarent. Itaque Impera-
toribus etiam gratus, non potuit tamen, quin in
exilium secundò pelleretur. Sed quia caussam ha-
bebat cum DEO communem, etiam hîc Poëtarum
ingeniosissimum vicit, locoque ac muneri suo
semper restitutus, demum immortali laureâ do-
nandus ad Mecænates suos abivit Superos. Hos
omnes, quos quidem versu laudavit, ad exequias
Poëtæ sui confluxisse, S. Theodorus ab iis ipsis
rediens cuidam ad tumbam suam supplici narra-
vit. Tantum refert, scire quos laudes. Nunc dum
non laudanda in mundo laudant Poëtæ, quod pre-
mium ferunt, nisi ut splendidè diu mentientibus
mundus splendidius mentiatur, & post multas fa-
bulas